



للفيزيس فيبوك: السحر الاسود من مقابر الموتى الى صفحات

عبد الامير رويح 2017-10-09 -

لحظة اكتشاف السحر وفتح امام الكامرة في مقبرة وادي السلام.. تحت هذا العنوان تداولت العديد من صفحات الفيس بوك ومنها صفحة قناة اليوتيوب العراقي مقطع فيديو خاص لتقرير لقناة هنا بغداد الفضائية عن ممارسة اعمال السحر والشعوذة في العراق، والتي انتشرت بشكل كبير بعد عام 2003 بسبب ضعف القوانين وتفاقم الازمات والخلافات السياسية، التي اثرت سلبا على مؤسسات الدولة بشكل عام، يضاف الى ذلك اهمال المؤسسات التعليمية والثقافية في هذا البلد وهو ما ساعد بحسب بعض المراقبين، في تزايد اعداد المشعوذين والدجالين والسحرة حتى اصبحت لهم مكاتب وحمایات وفضائيات خاصة تعمل على مدار الساعة، هذا المقطع اثار الكثير من الردود والتعليقات وصلت مشاركاته في اقل من 24 ساعة الى اكثر من 2826 مشاركة وعلق عليه ما يزيد عن 5800 مستخدم تباينت ارائهم وتعليقاتهم بهذا الخصوص.

فتحت هذا المقطع علق (ابو نيات الياسري) قائلاً: اني احد الناس الي ابتلي بالسحر وتحطمت حياتي من مرض وتأخر زواج، حتى بالدراسة ولا انسى الي صار بيه لولا لطف رب العالمين والتوجه للصلاة والنوافل والادعية وزيارة اهل البيت ورحمني رب العالمين حتى يراويني بالحلم العمل وشنو الايات القرآنية الي التزم بيه هاي طبعا بعد ماملت من الخيرة وفك العمل عد المتخصصين واخيرا اعترفولي الي مسويلي والحمد والشكر اني هسه بأحسن حال رغم الي خسرت بهياتي فعن طريق التجربة انصح كل مبتلي بالسحر طبعا هو يعرف نفسه عليه الالتزام بقراءة القرآن والتوسل باهل بيت الرسول وقراءة الادعية وخاصة الصلاة في منتصف الليل والناس نيام والصبر حتى الفرج وان شاء الله رب العزة يرحم كل شاب وشابة بحق محمد.

(مرتضى التميمي) قال: والله اتمرمت من صار بيه وهاي المتخاف الله دمرتني بقدره الله وزيارات يله خلصت منه خلتنى اموت يله اشم الهواء والله يشهد ما اعرف بهل سوائف واركض عل الاطباء بس زلمه خير فهمني والحمدالله خلصت والله الزلمه الي ظل يعزم عليه ما طلب مبلغ كالي بس ادعيلي ونصحتني اقره ايه الكرسي والزيارات. (كيان كنو) من جانبها قالت: اي البارحة شفته الحلقة حسبي الله ونعم الوكيل وين يريد يوصل البشر بهاي سوائفه وتاليه جوة التراب ميفيد كلشي شنو ذنبه هاي البنيه تريد تعيش حياته حاله حال كل بنت شابه مو بس هاي اكثر البنات ادمرت حياتهن من هاي السحورة وهذة الولد هماتين سرطان وموت وهل يومين نسمع الخبر ولجن حتى العدوحن مسون هيح .

(ام احمد) قالت تحت هذا المنشور: عفيه بلد ما ظلت حرمة لا للاحياء ولا للاموات شنو واحد يفتح قبر ميت عل مود يهجم بيوت العالم ليش الناس كلش مرتاحه بالعراق حت الا بسحر والنسوان شنو هالجراه هذه



اعوذ بالله بالنهار واحد يخاف يفوت من يم مقبره مو تالي اليل الله ينتقم من كل وحده تمشي بها لطريق.
السحر من بصمات يأخذون السحر يفتحون لا قبل حلها موجود :المقطع هذا تحت فقال ((Eng Sajjad Sallam
اكيد الي مسوي السحر بايدو الجايفة لان هو زوج ابن زوج ادخل البصمات للأحوال المدنية والشخصية واكشف
الجاني واشرع قانون ينعل والدين كل سافل وساقطة يمشون بهيج درب والحكم ٥٠ سنة سجن ولا تمييز يشمل
الجاني ولا عفو اما الي قايم بالعمل (الساحر) احيله اعدام بدون اي نقاش لان شروع بالقتل المتعمد والشروع
بالقتل المتعمد اعدام اعتقد وواضحة للعيان وضوح الشمس بعد اكس ايدي اذا واحد او وحدة مشت بهذا الدرب
الزبالة لان شنو فرقهم عن عبدة الشيطان الي منعوهم ببقية الدول علاوةً على هذا الشي لو اعرف اخلي مفاوز
مال شرطة النجف كلها بالمقبرة وادخل فرق تنظيف مثل شركات ازالة الالغام وكلها المها واحركها خلي تطول
سنة هالشغلة كلش كافي عليها بس جيب الي يسمعك.

(اناقة الورد) قالت: يعني هاي اللي سوت سحر شكذ غبيه .. والدجال شكذ مستفاد من وره هالغيبات ... مجرد
ما جابت اله ملابس وكتب عليها اسمه وعبارات قتل ومرض وجداحه ووووو ... صدكت راح يتعذب !!! من
طيح هيج عقول مزنجره ... الله الحافظ ان شاء الله وهاي الاشياء كلهه جذب واللي صدك متعذبه من
البشر متسوي سحوره ترفع قضيتها لرب العالمين .. ورب العالمين عادل. اما (أحمد الشيخ الساعدي) فقال:
لا اله الا الله .. ربي ينتقم منهم جميعا ومن تبعهم بعلم او جهل .. وبصراحة بعد ما اتصور اكو جهل بالموضوع
بل اغلب من يسير خلف هؤلاء هم بعلم واصرار وعزيمه .. وبالمناسبه هناك من يحترم هؤلاء او ربما يخاف
منهم لانه بمجرد العمل معهم ولو لمرة واحده يجدون أنفسهم مكبلين مقيدين مأسورين مع هذه الزمر
التي تُمارس الدجل والشعوذة، وهذا طبعا ليس مبرر لهم لأنهم بالأساس دخلوا طريق واختاروه بإرادتهم ..
وهناك نماذج عديدة منهم يعيشون في أوساطنا أبعدنا الله واياكم عنهم وعن أعمالهم القذرة ..

على بغداد في مكاتب عددهم وصار مهنة صارت والشعوذة السحر سالفة هاي: قال (Abdullah Mohammed)
اساس الروحاني فلان و فلان وهمه كلهم سحره وهاي كلها بهالوكت طلعو وطشو وبزمن السابق اذا لكفو
واحد راسا اعدام وبالشرع الاسلامي وعلى لسان الرسول عليه الصلاة والسلام حكم الساحر هو قطع الرأس.
(ورده الصباح) قالت: حسبي الله ونعم الوكيل على كل ساحر وساحره وعلى كل وحده او واحد ايأذي انسان
غافل ومايدري وتالي يصير بي اشكال البلاوي من وري اسوالف قذره !! الله تعالى حرمها وجعلهم من اصحاب
النار وان شاء الله عقابهم بالدنيا قبل الآخرة لان اني وحدة من هالناس الي انظلمنا من وري السحر الله ليوفقهن
وينزل غضبه عليهن، الحمد لله هو قادر على كل شيء. يرد كيدهم وينقلب عليهم ان شاء الله.

الضيوف كل ع وانتبهو تمثيل كلها بالضبط مقدم هل حلقات شوفو اخوان: قال جانبه من (Haider Al Whayle)
الي يجيبهم السحر والشعوذة موجود وبغض النظر عن هذه الحلقة المقدم اختار الطريق السهل حتى يخدع



المشاهد بدل ما يتعب ويتابع يعني المكان كبل ندله بالمضبوط والمرأة فجأة اختفت ودخلت وطلعت ثاني شي ماكو ساحر غشيم يلف سحرة "بتجة" لاستيكة مال فلوس ، لازم حبل ع اقل مال صيد أو قوي وماكو أي طلسم الأشياء الي لكها كلها شغل أيده اللعابة بعدها جديدة وقبل أيام اذا شفتو الحلقة مال سعر الصابون ب ١٠ ملايين مال ميت . (Alsaedi Omar)) من جانبها قالت: اخوان حتى لو كان كلة دوبلاج واتفاق بس هي قصة مستخلصة من الواقع كم ضحية بسبب السحر راحت ذكر ولا أنثى الهدف من الحلقة هي إيصال صورة ع الديصير بالمجتمع ابتعدوا عن الحقيقة والتمثيل ويجب مكافحة هذه الظاهرة هو حب يوصل رسالة اعلامية مأخوذة من وحي الحقيقة وليس من الخيال كان الله في عون عبادة من هل المصايب.